

Pontevedra garda nas súas rúas, prazas e edificios un legado histórico e artístico como poucas cidades no mundo poden presumir. Porén, non toda esta herdanza monumental de séculos pode ser visitada durante o ano.

A Semana do Patrimonio Invisible é un **ciclo programado polo Servizo de Urbanismo e Patrimonio do Concello de Pontevedra** que abre as portas de tesouros, habitualmente fechados, e diseña unhas visitas guiadas de pequenos grupos para que os seus usuarios garden na memoria unha experiencia cultural única.

Queremos garantir o acceso á actividade ao maior número de persoas, polo que **cada solicitante poderá reservar un máximo de tres visitas para dúas persoas.**

As visitas guiadas que realizamos na **Semana do Patrimonio Invisible** baséanse en dúas premisas: a calidade do discurso narrativo e a protección dos bens culturais que visitamos. Por este motivo as prazas para cada quenda de visitas son limitadas, e o proceso de reserva **precisa da confirmación mediante correo electrónico** por parte da organización a cada visitante.

Para facer as reservas é preciso entrar na páxina web oficial **[www.patrimonioinvisible.gal](http://www.patrimonioinvisible.gal)** e completar o formulario de reservas.

Máis información:  
**[reservas@patrimonioinvisible.gal](mailto:reservas@patrimonioinvisible.gal)**



# SEMANA DO PATRIMONIO INVISIBLE

14-15-16 / xullo / 2022  
III edición

**Reserva  
a túa praza!**





### Pazo de Gandarón

A finais do século XVIII o arcebispo Sebastián Malvar Pinto comezou a construír na parroquia de Salcedo a súa residencia familiar. Á importancia arquitectónica do pazo súmaselle a do seu xardín, que conta cunha importante colección de camelias. Dende 1928, o Pazo de Gandarón é sede da Misión Biolóxica de Galicia, entidade vinculada ao CSIC, na que se realizan labores de investigación e estudos agrícolas e forestais.

### San Salvador de Lérez

Sen dúbida, trátase dun dos santuarios de máis sona de toda Galicia. Historia, tradición e devoción mestúranse neste edificio, cuxa fundación remóntase ao século X, momento da fundación do mosteiro. Xa no ano 1661 créase o Colexio de Artes no que estudaron persoeiros tan importantes como Frei Benito Jerónimo Feijóo e Frei Martín Sarmiento. A igrexa actual de estilos barroco e neoclásico, acolle a figura venerada na famosa romaría do San Bieito.

### Arquivo Histórico Provincial

O edificio, de características eclécticas, que acolle o Arquivo Histórico Provincial de Pontevedra construíuse no 1910 polos Fonseca, familia que parece vinculada aos grupos teosóficos e masónicos que existían na Vila. En 1955, a casa foi adquirida polo Ministerio de Educación Nacional e adaptada para o uso como arquivo e biblioteca. Dende 1989 fai parte do Sistema de Arquivos Galego, custodiando fondos históricos que van dende século XV até a actualidade.

### Depósito e cemiterio de Santo Amaro

No último cuarto do século XIX, Pontevedra consolídase como capital comarcal e moderniza o seu urbanismo. Alejandro Rodríguez Sestero proxectou as obras arquitectónicas máis importantes nesta renovación. No barrio de Santo Amaro atopamos dúas de elas: o gran depósito de auga construído en 1886 e o cemiterio municipal, obra de 1882, que alberga sepulturas e simboloxía funeraria desde a época burguesa até hoxe en día.

### A Moureira e o Gremio de Mareantes

Nos séculos XVI e XVII Pontevedra era a vila máis importante do Reino de Galicia, unha cidade que miraba ao mar, e o barrio da Moureira, o seu motor económico e cultural. Neste eido tivo unha importancia capital o Gremio de Mareantes. Con esta histórica institución, faremos un percorrido polas pegadas que perviven na Moureira, descubriendo o seu patrimonio invisible e poñendo en valor ese pasado navegante e mariñeiro.

# 14

## xoves

11 h San Salvador de Lérez

12 h Arquivo Provincial

...

18 h Pazo de Gandarón

19 h Depósito e cemiterio de Santo Amaro

20 h A Moureira e o Gremio de Mareantes

# 15

## venres

11 h Pazo de Gandarón

12 h San Salvador de Lérez

...

18 h Arquivo Provincial

19 h A Moureira e o Gremio de Mareantes

20 h Depósito e cemiterio de Santo Amaro

# 16

## sábado

11 h Arquivo Provincial

12 h Pazo de Gandarón

...

18 h San Salvador de Lérez

19 h Depósito e cemiterio de Santo Amaro

20 h A Moureira e o Gremio de Mareantes

